



Broj: 03-50-1-61-9-11/10

Sarajevo, 27.9.2010.

ZAPISNIK

9. sjednice Nezavisnog odbora kao nezavisnog tijela policijske strukture BiH

Sjednica je održana 27.9.2010., s početkom u 10 sati.

Sjednici su prisustvovali članovi Nezavisnog odbora: Žiko Krunić, Mato Jozić, Bakir Dautbašić, Dragan Savić, Viktor Dadić, Ljubomir Kuravica, Enes Obralijsa, Zijad Kadić i Stanko Nuić.

Sjednici su prisustvovali Alma Salkić-Mijić, koja je obavljala poslove privremenog sekretara Nezavisnog odbora i Željko Grubešić, savjetnik u Nezavisnom odboru.

Osim članova Odbora sjednicu su pratili Zoran Brkić iz Sektora za odnose s javnošću PSBiH, Dijana Šatara i Senad Zlatar iz OHR-a.

Devetu sjednicu sazvaio je Žiko Krunić, predsjednik Odbora. Nakon što je konstatirao da postoji kvorum za punovažan rad, predsjednik je otvorio sjednicu.

Odbor je jednoglasno usvojio predloženi

DNEVNI RED

1. Usvajanje zapisnika sa 7. i 8. sjednice Nezavisnog odbora
2. Razmatranje inicijative za izmjenu člana 59. Zakona o policijskim službenicima Bosne i Hercegovine;
3. Tekuća pitanja.

Ad.1. Usvajanje zapisnika sa 7. i 8. sjednice Nezavisnog odbora

Predsjednik Odbora je otvorio raspravu o zapisniku sa 7. sjednice, održane 14. 4. 2010.

S obzirom da nije bilo primjedbi, zapisnik 7.sjednice usvojen je jednoglasno.

Nakon toga, predsjednik je otvorio raspravu o zapisniku sa 8. sjednice održane 1.7.2010.

Zapisnik 8. sjednice usvojen je jednoglasno, bez primjedbi.

Ad.2. Razmatranje inicijative za izmjenu člana 59. Zakona o policijskim službenicima Bosne i Hercegovine

Predsjednik Odbora u uvodu o ovoj tački dnevnog reda istaknuo je da je Nezavisni odbor na prošloj sjednici usvojio zaključak da se obrati Državnoj agenciji za istrage i zaštitu, Graničnoj policiji BiH, Federalnom ministarstvu unutrašnjih poslova, Ministarstvu unutrašnjih poslova Republike Srpske i Policiji Brčko Distrikta BiH, da dostave podatke o ukupnom broju radnih mjesta za koja se traži čin samostalnog i čin glavnog inspektora, kao i podatak koliko je samostalnih inspektora i glavnih inspektora sa stečenim zvanjem pravne, kriminalističke ili druge struke sigurnosnog smjera.

Predsjednik je konstatirao da su podaci dostavljeni, ali da nisu potpuni, jer ne obuhvataju podatke o broju glavnih i samostalnih inspektora u ministarstvima unutrašnjih poslova kantona u Federaciji BiH.

U raspravi su učestvovali svi članovi Odbora. Složili su se da podržavaju inicijativu za izmjenu člana 59. Zakona o policijskim službenicima BiH. Konstatirali su da postoji više načina na koji se može postići efekat da se proširi broj mogućih kandidata za rukovodioce policijskih tijela u BiH, ali da će se Odbor opredijeliti, nakon što dobije podatke o broju glavnih i samostalnih inspektora u cijeloj BiH.

Također, svi članovi Odbora su se složili da prije upućivanja inicijative za izmjenu člana 59. Zakona o policijskim službenicima BiH ovlaštenom predlagачu, treba pribaviti mišljenje EUPM-a.

Nakon toga, članovi Odbora su jednoglasno usvojili **zaključak**:

Obratiti se sa zahtjevom ministarstvima unutrašnjih poslova svih kantona u Federaciji BiH, da dostave podatke o ukupnom broju radnih mjesta za koja se traži čin samostalnog i čin glavnog inspektora, kao i podatak koliko je samostalnih inspektora i glavnih inspektora sa stečenim zvanjem pravne, kriminalističke ili druge struke sigurnosnog smjera.

Ad.3. Tekuća pitanja

Predsjednik Odbora otvorio je raspravu o ovoj tački dnevnog reda. Predložio je da se u narednom periodu intenzivira saradnja sa rukovodiocima policijskih tijela u BiH, kao i predstavnicima EUPM-a i OHR-a. U raspravi su učestvovali svi članovi Odbora.

Nezavisni odbor jednoglasno je usvojio sljedeći **zaključak**:

Organizirati sjednicu Nezavisnog odbora o temi "Stanje sigurnosti u BiH", na koju će se pozvati direktori Državne agencije za istrage i zaštitu, Direkcije za koordinaciju policijskih tijela BiH i Granične policije BiH.

Sjednica je završena u 12 sati.

Privremeni sekretar

Nezavisnog odbora

Alma Salkić-Mijić

Predsjednik

Nezavisnog odbora

Žiko Krunić